

»Medd och gemma jeddse medd!«

Familie Schneider wagt am Faschingssonntag einen Spaziergang durchs Dorf. Sie stößt auf eine Gruppe von Aldis, die sich sofort an sie anhängen und nach Hause begleiten wollen. Herr Schneider hat viel Schnaps im Haus, gilt aber als etwas geizig bzw. er schenkt ungern aus.

Aldi 1: Eieieieiei, lühmòòl dòò, Schnilläsch! Eieieieiei! Ei, warenä in dä Kirch?

Herr Schneider: Oowohäär, mă genn schbaddsiere, ùnn jeddse gemmä hämm!

Aldi 1: Hämm? Ou, dòò gemmä medd! Mă wille e Schnäbbsje hònn!

Herr Schneider: Mier hònn kämmeh Schnabbs dehämm! Vòòrsjòhr waa so e Häärd Aldis bäi uns, die hònn de gònne Kellä lää gesoff.

Aldi 2: Oh, mach känn Dingä, de Kellä lää gesoff. Iehr hònn doch iwwerich genungk. Iehr hònn doch ònn de Paffebääm wiffel Schdiggä memme Huffe Biere- ùnn Gweddschebääm drüff, Du kònnschmä viel vāzehle! Jeddse sei nidd so gniggich! Mier genn jeddse medd, dass wille mă siehn.

Aldi 3: Isch's noch widd? Ich misd emòòl e Bach mache ...

Aldi 1: Oh, schdell Dich doch dòò driwwe ònns Mierche ùnn bruns Unnāschdelläsch in de Gaade; die hònn uns vòòrsjòhr nidd erìnngeless!

Frau Schneider: Ei, iehr sinn jòò mòòl e gòns wuschdi Sord! Iehr kinne doch Unnāschndelläsch nidd in de Gaade brunse, dass michd mă nidd!

Aldi 1: Oh, ge furd! Mă sinn doch Aldis! Unn wäär so gniggich isch wie die, dāne muss mă's ab ùnn zùò mòòl wiese! ...

Aldi 3: Isch's noch widd?

Herr Schneider: Ich hònn och doch gesaad, iehr briche nidd meddsegehn. Mă hònn kämmeh Schnabbs...

Aldi 1: Oh, fòòds mă känn Zinnoowä! Du ùnn kämmeh Schnabbs! Du lischd doch jeeles Jòhr bäim Obst- ùnn Gaadebauvārein brāne! Ollā dùnnā die Biere all innkoche? Doch im Lāäwe nidd!

Herr Schneider: Ei gùdd, iehr grìnn ānnā, awwā nùrre ānnā ùnn nùrre ònn dā Dier. Mă lònne känn Faaseboodse meh erìnn. Vòòrsjòhr hadd uns so e schdraggā Jochnaachel mīdde in de Gongk gekoddsd. 's alde Wārdigo vùnn dā Gròòbmòmmē hallā aa noch vawiddschd ...

Frau Schneider: Jòò, ùnn ich hònns mīsse wāggmache! Dass machich nimmeh medd! Iehr bliwwe druss vòòr de Dier, òllā 's gidd nìggs! Ändwellā òllā!

Aldi 1: Jòò, ischòò gùdd, mă dringge aa ānnā ònn dā Dier, Haabdsach, 's isch känn Ribbes!

Herr Schneider: Jeddse hall awwā mòòl 's Mull, Du aldā Lousadd, mīer hònn doch känn Ribbes. Gleich grinnā ābbes geschess ... So, dòò sìmmā. ... Alleh, iehr wīse Beschāād: iehr bliwwe druss ònn dā Dier schdehn ùnn ich bringe och e Schnäbbsje eruss.

Herr und Frau Schneider gehen ins Haus. Nach einer Weile kommt Herr Schneider mit einer Schnapsflasche und vier Gläsern an die Tür. Die Aldis sind schon ganz ungeduldig:

Aldi 1: Dass wārrd awwā Zidd! Waasche dāne noch bäim Wònnemachā kaafe? Ei, wies mă mòòl die Flasch!

Herr Schneider: Ich wiese dā gleich ābbes ònnārres, du aldā Freggādd! Ei, so ein Lousādd! Jeddse, willenā ānnā: Jòò òllā nāā? Hund òllā Naa?

Aldi 1: Jeddse dù schùnn innschāngge, mă mīsse widdschdā! ... Awwā gùdd voll, wānn's wirgliche gùllā isch. De ònnārre Wāā nùrre e Halwā ...

Herr Schneider: Ei, Du bīschòò frāch wie de Drāgg im Wāā! Gleich hadd awwā 's Ärschelche Kirb! ... Ich sònn noch nùrre ānns: Dass dòò isch e gònns fāinā Biere, so wārenā dissjòhr kānnā meh grien! Ei, so ein Lousādd!... Wāām bīschen du?

Aldi 1: Ei, die Mòmmè hadd gesaad, ich soll's nidd văròòle! Unn ich soll in de Hiesă jòò die Fradds nidd abbdùùn, sùnschd dirfd ich nimmeh furd... Wie? Nùrre vîer Glessă? Ei, dringsche kănnă meh?

Herr Schneider: Oh, ich gähng gäär, awwă de Knabbschdään hadd's văbodd. Die Lăwwă wäär nimmeh so gùdd...

Aldi 1: Ei, dònñ suff doch iwwă die Mils! Năă, awwă hăddsch jeddse e scheena Äggs Kies gehaad! ... Alleh hobb, îehr Aldis, erunnă meddem! Ouwawou, däär dòò waa awwă wirgliche gùdd! Dòò kinnd mă gladd noch ännă dringge...

Aldi 2: Aldi, jeddse mach awwă's Bedd nidd eninn! Wăäsch doch: Nùrre ännă in jeelem Huss, sunsch lăische willă glich im Egge, ùnn mîer hònn die Ärwedd! Năă: Herr Schnillă, mîer genn! Deggmòòls mărsi fă ouă Gùddhăäd – ùnn biss năggschòhr, dòò kùmmemă willă lònks. Eieieieiei!